


文
檄

卷三



總制浙閩文檄目錄

第三卷

禁佐貳首領擅受民詞

禁沿海科取網利

申飭平陽鎮不許多佔民房

飭定刑具

招撫漳南餘盜

勸諭漳南各官

勸禁透越

諭諷漳南利弊

禁錢江渡夫勒索

勸飭沿海汛防官兵

勸諭捐輸建造臺寨

禁兵丁強買

申飭文移體式

飭防弭盜賊

禁止花爆

申飭地方官安插展界居民

禁飭投誠官兵不法滋擾

新歲飭勵官方

議捐資置設監田

禁約婚喪人夫不許分坊詐索

飭禁結社

申嚴海防

訪拿衙蠹

飭禁濫派夫役

添置義塚地永行收瘞棺骸

飭禁踞埠抽稅

禁使假銀

通飭各屬力行保甲

申飭慎防海汛

禁營廝擾害村民

旋衢禁約事宜

飭禁誑告

禁衢州船埠扣索

賑濟貧生窮民

申飭分汛夜巡

禁總甲撥夫擾民

禁緝詐冒棍徒

練習救火兵丁

飭禁傾銷低銀

禁佐貳首領擅受民詞
為嚴禁佐領擅受民詞審勘重案以肅政體事
照得首領佐貳各官職在分猷助理凡刑名錢
穀詞訟等事非奉上司堂印官批發不得專擅
施行此憲綱政體也近聞幕僚佐貳雜職等官
不遵禁約擅理民詞勢豪紳衿往往以睚眦小
忿設局害人因其官卑易近賄賂可通興滅自
如威福由已其行也不必投狀具呈無庸兩造
干証半張說帖卽時飛票拘拿一刺封面頃刻

文機 卷三
一
殊籤標出其止也無事聽審供招不用當堂發落屢谿滿窟問官與原告烹分打點詐欺胥役與衙差比匪倘或不如所願不難竟發監倉申詳堂上以爲卸過結局之地是佐幕卑官竟爲勢豪劣衿之私人而勢豪劣衿亦代佐幕卑官作生意矣嗟彼鄉井小民理不勝情含冤飲恨者不知凡幾又如強盜人命重情正官或輕於委託微員以有事爲榮每於初次審供檢驗之時行委佐貳訊問以致始基失實冤濫率由於

此不知此輩卑品下僚體統旣輕吏治寡昧卽使守法奉公未免舛錯之虞矧有不肖遇事生風營私隳紀者乎此重案冤抑之弊源尤不可不痛加禁革也合行通飭爲此牌行兩省各司道府照牌事理卽便通行所屬遵照嗣後司府首領州縣丞判吏目典史及巡司雜職等官止許幹辦本職勾當及聽候堂正上官差委或比催錢糧或緝拿人犯或批查平常事情總不許擅自收准呈狀擅發差票殊籤假公濟私越分

害民違者分別戒飭叅拿俱毋輕宥凡遇地方盜賊生發止許責令巡檢巡捕官偵探追緝一有捉獲人犯在郡城者立時解赴捕廳巡廳或縣正官處審問起贓在外屬者立時解赴州縣印官處收審不許縱容捕役私加拷掠捕官巡司不得帶回署所擅自用刑鞫訊廳印正官亦不得偷安怠忽不行親審輕委卑官致滋弊害又如人命發覺已歿之檢屍未歿之驗傷與拘獲兇身兇器明立保辜限期等事府廳州縣正

官俱要親自登場問理不許遲延耽懶嫌憎穢觸委之丞尉等官以致開報失真敢有故違禁約本部院於招詳內看出卽合理無枉者亦將行委之正官記過擅自受理之卑官提解懲飭若有寬濫情節立行叅

奏革問經承捕快伴作人等鎖拿解赴軍前從重治罪斷不稍寬各取遵依繳查并各大書告示於衙署門首曉諭遵守施行

禁沿海科取網利

爲嚴禁科取網利以恤窮民事照得海禁森嚴
不許越界採捕止令小民在於界內採取魚蝦
正爲窮黎資生衣食計也在地方文武各官惟
當申嚴誠察不得騷擾民間斯稱盡職乃今訪
聞該地方沿海居民在於內港網魚爲活因而
文武官弁公然私派陋規一網年例有苛取至
五六十兩者合上下各衙門計之不啻盈千累
百是海禁徒爲各官壟斷而窮民捕魚資生無

文
異扼其吭而奪之食矣網利害民寡廉鮮耻莫
此爲甚合行給示禁諭爲此示仰地方官民人
等知悉凡界外港汊海洋不許一人片板偷越
如有違犯定行嚴拿以通海治罪其界內小港
採魚去處聽民自便地方各官止許防閑譏察
不許擅立陋規科取民間一絲一縷敢有文武
官弁兵丁徭役人等故違不遵仍前派取漁利
者或本部院訪聞或被人告發立將各該官役
分別叅拿按例追擬決不輕贖各宜凜遵

申飭平陽鎮不許多佔民房
爲遵

旨會閱等事據護理平陽鎮咨呈前事等因到本部
院據此爲照地方安設官兵原爲城守衛民計
也若以兵丁營房之故盡驅士民之房屋而占
之設丘之義何居查平陽城內據稱兵民共房
二千二百九十三間士民住屋六百八十六間
兵丁住屋一千七百七間是兵丁已居十分之
七士民止居十分之三耳今舊兵皆以自典自

蓋爲辭執意不肯通融豈欲將士民之屋空城
盡出以安兵乎抑不思舊兵之屋固有自典自
蓋之名豈士民之屋獨非其自己產業乎總之
在弁兵只圖安插寬裕罔顧士民流離之苦大
家不肯平心以致文武議同築舍殊屬可恨至
於該縣既稱酌定房屋一千間三股均分安插
若有不敷另造營房居住則所謂千間之房必
有着落何以又稱竝無確數殊不可解本部院
總制文武官弁兵民視同一體豈容彼此偏執

致使士民失業兵丁露處合行嚴飭督催爲此
照會該鎮弁牌行該道府即便會同從長計算
速將該縣前議房屋一千間逐一查出均勻分
派倘再不敷仍作急搭蓋營房務期安插得所
在舊兵當存易地而觀之心在士民當思設兵
相衛之義在官弁當有調劑安輯之方期於兵
民帖服如或仍前推諉耽延卽將抗違職名處
實揭報叅處斷不輕貸限文到半月內安插完
備具文呈報施行

刑部咨文為貪官汙吏酷以濟貪等事該本部
具題議覆內開查木枷一款律載畧賣人三口
以上用百觔柳號凡各處奸徒假以上司訪察
為由陷害良善詐騙財物者用一百二十觔柳
號等語臣部現與犯人所帶之枷乾濕輕重不
等重者七十觔輕者六十觔餘長三尺濶二尺

飭定刑具

為遵

旨飭定刑具之制以重民命事案准

刑部咨文為貪官汙吏酷以濟貪等事該本部

具題議覆內開查木枷一款律載畧賣人三口

以上用百觔柳號凡各處奸徒假以上司訪察

為由陷害良善詐騙財物者用一百二十觔柳

號等語臣部現與犯人所帶之枷乾濕輕重不

等重者七十觔輕者六十觔餘長三尺濶二尺

九寸律載死罪二十五筋徒流罪二十筋杖罪十五筋長五尺五寸濶一尺五寸俱係獄內囚犯長板之枷非枷號示衆之枷也律載獄囚雖應枷號者臣部監禁人犯不用枷號俱照常細鎖其夾棍一欵先經科臣劉 奏請一應小事苟得其情即可引律定罪不許濫用夾棍

嚴敕在外衙門一體遵守臣部議覆強盜竊盜人命等事先在別衙門招認後竟改供或証據已明不吐真情再三詳究始行夾訊其餘小事亂用

夾棍者以故違題叅治罪照此通行內外大小衙門遵行等因具題已經曉諭在案又刑杖一欵科臣李 疏稱律用荆杖然必酌準輕重大頭徑四分五釐小頭徑三分五釐長三尺五寸今用竹板則有龍鬚板猿頭板合漏板等名色重者十餘筋長者四五尺不等今一概停止笞杖係旗下人鞭責民人板責臣部現行竹板長五尺五寸大頭濶二寸小頭濶一寸五分重者不過二筋其在外衙門用毛竹連根大板先經

按臣朱 題請通行嚴禁在案但恐日久違
禁濫用亦未可知俟

命下之日再通行直隸各省督撫嚴飭各地方官夾
棍止許督撫按察司正印官於強盜人命酌用
其大小衙門所用刑杖并獄囚木枷俱照臣部
遵行等因具題奉

旨依議行欽此欽遵抄出到部備咨到部院准此隨
經通行遵照在案爲照刑具之制律文載有定
例祇因貪酷之官作威恣虐以致違式妄行草

管民命茲經奉

旨申嚴除本部院衙門恪遵奉行外誠恐屬員陽奉
陰違有辜

朝廷德意合再嚴飭爲此牌行兩省司道府州照依
事理卽便轉行所屬廳縣凡遇審理事犯應用
刑具之處俱遵

部議定制木枷長濶尺寸輕重觔數俱要如法
制用非人命強盜重情不許擅用夾棍其竹板
一項照樣長五尺五寸大頭濶二寸小頭濶一

寸五分但
 部文內云重者不過二觔自當以一觔十兩上
 下為率各衙門即將從前不合式重大竹板俱
 行改換倘有故違將不應枷夾之人妄用木枷
 夾棍及用帶根連節毛竹大板與浸泡漲濕橫
 虐加刑者或經本部院訪聞得實或被受害人
 呈告定將本官以違

旨酷虐例叅處若因而致斃人命者拿問抵罪俱不
 輕恕并大書告示於該衙門署前曉諭施行

招撫漳南餘盜

為安撫事照得

朝廷統一輿圖普天皆屬赤子乃漳南一塊土邇來
 間有盜賊生發推原其始皆係良民祇因迫於
 饑寒又或陷於仇害以致一時短見投迹綠林
 湔洗無由深可憫念本部院先曾督飭官兵勤
 限剿捕務盡根株復嚴責地方官力行保甲安
 輯百姓去後但慮若輩窮極無聊陷身不義今
 雖悔心復萌而無門控告亦有出於迫脅而返

邪莫及且

皇上視民如傷寬展邊界時使輕徭刻刻以民生爲念本部院仰承

德意志切綏徠當此太平有年之際正爾民安生樂業之會也合行諄切曉諭爲此示仰地方諸色人等知悉凡有從前誤入盜黨失身無歸者俱許據實自首悔過投誠本部院卽與湔除自新盡宥前罪編入保甲永爲良民倘或執迷弗悟畏匿不前官兵所至立時擒拿仍許里甲公舉

拿解審實正法決不姑縱若輩各宜及早熟思爲良民則身家可保長享昇平爲盜賊則首領異處妻孥僇辱禍福之機間不容髮其各猛省毋貽後悔

勸諭漳南各官

爲勸諭守土之官加意愛養百姓以盡職業以保功名事照得漳南屬邑民不聊生蓋緣歷歲以來兵燹災傷接踵殘黎元氣有損無培官斯土者譬猶醫人之治病慈母之惜兒孱弱則藥餌補之饑渴則飲食濟之保護噢摩朝夕不置庶幾瘡痍可起性命獲存倘或痛癢無關撫字乏術坐視百姓疾苦而不救豈不有辜守土之責哉本部院自入閩境體察民情已知漳屬之

勸諭

文啟

卷三

七

苦甚於他處茲因料理軍務親歷此間目擊荒
殘傷心更切惟有相率地方屬員大家竭力愛
養務登斯民於衽席始不負
朝廷設官之意卽飲此地一口水亦得下咽也合行
諄切勸諭爲此示仰漳屬大小各官暨士民人
等知悉并牌行該府廳縣遵照凡所屬地方一
切利弊務須細心查訪何事有益於百姓則當
設法調劑何事有害於百姓則當盡爲釐剔或
可竟自舉行或須具詳定奪總期實心實政萬

勿徒托空言至徵收錢糧者務須除革火耗美
餘盡絕私加暗派問理刑名者務須畱心伸冤
理枉嚴戒納賄徇情不許騷擾里長遇事苛求
不得縱容衙役借端索詐勿濫差一人勿濫准
一詞勿嚴刑酷虐勿輕意羈監如日用布帛米
蔬必須現銀平買若需用人夫工匠必須僱倩
給錢種種事情不能殫述要皆以愛民爲主如
各官軫恤果真撫綏見效本部院不靳特疏保
舉格外薦揚倘或視勸諭爲常談置民瘼於不

問惟工媿削任彼荒殘白簡有靈
王法難貸彼時身名侈辱悔之晚矣本部院念切
漳民之困苦有如疾痛在身故不禁披瀝勸誠
設有違悖決不相寬其各凜遵毋忽

飭禁透越

爲勸諭沿海居民毋蹈透越之弊以安樂利以
保身家事照得海濱百姓遷徙流離至今日苦
云極矣幸

朝廷軫念民生展開邊界正爾民復歸故土安居樂
業之會本部院稔知殘黎疾痛亟欲咻噢撫摩
登諸衽席而後快心故凡見聞所及與地方官
詳議暨士庶條陳苟有一毫利於爾民者不憚
煩絮卽爲舉行以期生聚愛養仍還舊日景象

俾爾民永享昇平此本部院刻刻在念者也第
展界之

恩澤下頒而通海之

功令尤切爾民或愚懵無知或舊習難改或利令智
昏或容情扞法有聚衆越界採捕魚蝦者有收
買犯禁貨物以伺出洋者有海上潛來賊徒竟
敢容畱歇宿者有暗約貿易攜物藏置海邊者
有因故舊親戚在於海外而仍通書信往來者
有假稱捕魚而乘船偷出外洋者此等違禁之

事目今雖未有犯恐奸民故智難免復萌一經
發覺身家立喪若本部院不早爲諄切禁飭及
爾百姓陷罹於法然後從而刑之猶之人家父
母溺愛兒女不以道理訓誨任其遊蕩非爲是
愛之而反害之也故特灑肝瀝腸痛切勸誡使
爾民家喻戶曉觸目警心守分安居永享樂利
除嚴檄各汛防弁加謹譏察不許生事擾民外
合行給示勸諭爲此示仰沿海居民諸色人等
知悉凡爾百姓住居耕作捕魚樵採曬鹽地方

俱要遵照

上差都統會閱定立邊海界限之內安分營生不許一人偷越及片板出洋若有復蹈故轍通海貿易踰界採捕如前所指各弊者或爲本部院訪聞或爲官兵拿獲或被人首告定行立拿審究以通海按例論罪彼時身家俱喪追悔莫及本部院哀矜有心律法難貫亦無拯拯之術矣爾民思之慎之至於界內安插未妥事情遇本部院巡歷所至許卽據實具呈以憑酌處其相離路遠者竟赴該縣具呈轉詳批奪果有利濟百姓斷不靳調劑施行如居民在於界內墾田捕魚開舖治業者倘有將弁兵丁借端騷擾察出定行重處決不姑貸

諮諏漳南利弊

為曉諭事照得漳南兵燹之餘頻年復遭災稜
閭閻凋瘵生計蕭條本部院自入閩以來體察
民間疾苦知漳屬之荒殘較他處更甚故念漳
屬之百姓比他處尤切是以減撤隨從親歷巡
查務期利弊周知以便次第調劑其間鄉俗異
宜或今昔不同應該更張之事非諮諏察訪莫
悉其詳今於次日放告收詞合行曉諭為此示
仰該屬士民耆老諸色人等知悉凡本處地方

何利當興何弊當革務將從前源流始末及今
格碍偏枯之處明列具呈以憑採擇本部院念
切民生每於所屬鉅細事務率皆留意講究非
可朦混欺瞞爾士民萬勿瞻徇執謬假公濟私
有負本部院一片誠心也其訐告狀詞係人命
強盜貪官劣弁惡蠹橫兵冤枉重大事情遵照
頒發狀式據實控告不得虛誑誣捏自取反坐
之罪若夫戶婚田土鬪毆口角債負瑣細之事
勸爾士民平心忍耐或就鄉保調處或依親隣

解紛萬不得已必須判斷止可就近赴有司告
理以免跋涉守候之勞目今世情大抵以平安
爲福若因一時小忿與人訐訟興詞不惟廢業
妨工且要破財受氣何苦以無拘無繫之身而
受官府拘提押保承胥差蠹需索之擾乎爾士
民當一轉念情恕理遣自然大事化小事小事
化無事矣併此諄勸願爾士民諦聽遵從毋得
故違

禁錢江渡夫勒詐

爲嚴禁渡夫勒詐以甦客商苦害事照得錢江橫渡乃往來通津客商必經之路每日潮汐洶湧行人不免懷畏向恐渡夫勒害立有碑禁大船一隻裝載三十人中船一隻裝載二十人小船一隻裝載十人每一人給船錢五文每貨一擔給錢八文邇來渡夫嗜利不法違禁詐害每至年近歲暮輒將船住江心遇有客商負裹而來一夫攘奪行李一夫拉扯客商以致人不暇

檢行囊件不及顧同侶狠同截路形甚刦奪及
客商登舟名曰載頭不至延捱日暮挨擠滿載
必不肯輕易開船或潮頭驟至風濤危險或雨
雪不時受凍忍饑種種苦害難以悉數及至將
近彼岸又復停楫半江重勒銀錢不饜不止嗟
彼訓館書生手藝經紀終歲勞苦所得幾何滿
望及早歸家安心度歲豈期渡夫殘害至此行
李疎虞身命莫測深屬可憐可恨除行按察司
糧驛道訪拿外合行示禁爲此示仰該地方人
民過往客商知悉如有渡夫不法攘奪行李多
載多勒等弊該地方卽行公舉擒拿送赴司道
衙門審實重責枷號江口示衆如地方徇縱或
訪聞或告發定行一體連坐决不姑貸

勸飭沿海汛防官兵

爲痛切再勸沿海汛防將弁兵丁毋縱透越以保功名性命事照得沿海地方新經展界建設臺寨分派官兵外禦飄突賊艘內防奸民透越專責之職任綦重處分之定例甚嚴本部院屢經示檄申飭在案蓋緣積弊猝難峻改利慾易於薰心仍舊交通事所或有大抵奸民海上貿易與夫信息往來勢必結連兵丁始敢放心行走然而兵丁受賄未有不分潤於本管弁目將

領者一串相連互爲容隱從前冥行蔑法本部
院知之甚真若將弁肯秉正持公則以下兵丁
自不敢冒險作弊爾等受

朝廷高俸厚祿月餉口糧且一切邊防安插機宜又
費地方各官幾許經營措辦無非欲安內攘外
以期寧謐如爾等不思盡心報効仍前爲已營
私幽有鬼神明有

國法恐斷難逃於刑戮也合再痛切勸諭爲此照
會各鎮牌行各協營即便大書告示曉諭沿海
弁兵人等知悉嗣後看守臺寨各照所轄地方
遠偵密探晝夜巡邏如海上有賊踪突至即便
堵剿追擒不許內地奸民一人出界片板出洋
如有違犯立時拿獲移解地方官審明通詳倘
將弁兵丁不遵禁飭串通奸民貿易海上往來
有從公出首者照前示獎賞敢再互相容縱隱
瞞或被地方官揭報或爲百姓告發或爲本部
院訪聞定卽特疏

題參照例重處凡係本管統轄將弁概不寬恕本

部院再三諄切勸誡之意恐爾等圖利忘害爲
口傷身猶如漏脯救饑醜酒止渴非不暫飽死
亦隨之待至發覺之時本部院欲爲爾將弁兵
丁保全功名性命不可得矣願各凜遵毋得泛
視

勸諭捐輸建造臺寨

爲勸諭速建臺寨以重海防事照得沿海地方
安設臺寨駐防官兵爲今日海疆第一急務
部議照地方官捐銀五百兩之例設法建造本
部院曾援直省通州修城恤災事例疏請開納
未荷

俞旨當此時絀舉羸之際既不許白役民力又難踏
私派陋規在地方有司身任其責誠非易事惟
是公爾忘私國爾忘家於臣義分所宜然而况

文揚 卷三 三
民社攸寄守望所關卽職守亦難獨緩且
部文既有責成則致期稽督在所不免各官縱
無意圖功獨不思追咎乎本部院現擬再疏籲
陳倘得邀

允將來外省官民尚有捐助豈地方官身在事中者
反無義舉乎除先擬藩司議詳業經置簿勸輸
外合再飭諭以速成工爲此照會兩省各鎮并
牌行各司道府州協將卽便移檄僚屬文武各
衙門知會務體急公子來之義不拘銀兩多寡

隨便捐輸一面趁此農隙之時將新舊臺寨嚴
限僱工期于速竣本部院擬定三等以爲各官
勸如有捐銀及額完工獨先者爲上等次則無
監造之責而捐銀如數者爲二等又次則捐銀
雖不及額而完工在先者與無監造之責而亦
能酌量捐貲者爲三等俱於事完之日分別特
題薦敘仍於該衙門紀功俟

大計軍政冊內註明優考填入事實決不食言倘或
膜視推諉工程遲誤者則其爲臣之誼爲官之

才已可概見雖有他長不足錄矣限文到半月
內先將勸輸各官職各銀兩數目具揭呈報仍
作速上緊僨催通限歲內完工另行造冊詳銷
萬勿仍前濡緩自蹈不職之訾本部院蒿目時
事洞悉繁難非徒以空言相勉但遺大投艱先
義後利乃所以徵才力而勵臣工也願文武大
小諸員思之諒之

禁兵丁強買

爲嚴禁兵丁強奪強買以安地方事照得歲肆
云暮正農工商賈貿易卒歲之時訪得省會地
方向有兵丁小廝三五成羣凡遇負販布帛禽
魚肩挑菓蔬食物攔街先取名雖給價實不償
還少爲爭執非一哄而散莫可追尋卽恃強橫
肆生端毆打肩挑小販懦弱鄉愚失物旣已無
憑惟有吞聲飲泣更有公行城市勒取鷹肉甚
有潛躲僻徑搜搶銀包種種不法大干軍紀合

行差官巡緝爲此牌仰本官即便執牌在於省城內外嚴加巡緝遇有兵丁小廝強奪強買如前所指諸事卽行鎖拿解赴中軍緝副將如係綠旗竝投誠兵丁輕則會同城守副將懲處重則就近解赴

撫院發落如係旗營兵廝中軍副將解赴公衙門究治但不得假借巡緝名色生端滋擾查出究革不貸

申飭文移體式

爲申飭文移以便批閱稽查事照得本部院統轄兩省文武事務地方遼濶庶務殷繁各該衙門申呈公文必須簡明詳備以便繙閱批答免致駁覆耽延今每見各屬詳文書冊有不備原案而朦混敘詳者有看語游移而事在兩可者有無益繁文而鋪張滿紙者有苟簡塞責而頭緒茫然者更有開報職名不遵定例攢造冊籍舛錯差訛審讞則前後口供矛盾錢穀則總撒

數目不符委署不開本官出身大案不將原詳粘繳亦有應詳而驗應驗而詳種種朦混難以枚舉至如

欽案部件吏治民情刑名錢糧地方緊要事務有例當通詳而不分晰除呈某院字樣者有應竝詳本部院衙門直待各院批示之後始行具詳者總緣本部院駐劄寫遠各該經承吏書希圖挪撚游移易滋奸弊而本管官員或因匆忙失檢或係模稜不諳以致左右乘機舞文弄法此不

特憲綱政體攸關亦各官官評優劣所係也除本部院隨事駁飭兼以公文之妥否甄別屬員才力外合行通飭爲此牌行浙閩兩省各司道府照牌事理嗣後凡係申呈本部院衙門公文務必簡明切實敘列原案以便詳閱批答不得支離舛謬草率含糊至應詳應驗通詳事件務須分別明白不許朦混俱於原文書冊後開註經承吏書姓名如有仍蹈前項申飭各條故違不遵及不備原行不粘原詳者定行提拿經承

重懲本管官以才力不及記過叅處斷不姑恕
仍轉行所屬一體遵照毋違

飭防弭盜賊

爲申嚴防弭盜賊以安地方事照得弭盜防奸
乃文武各官耑責若使盜賊時聞劫失屢見以
致民無夜安之枕不但叅罰難寬卽撫心自問
設官之義何居查浙江一省嘉湖地處水鄉支
河龐雜寧紹台溫半臨邊海金衢嚴處半屬山
阪在在可以藏奸盜賊易於竊發而杭州省會
五方劇處尤易生奸是在有地方之責者殫力
消弭有防守之責者盡心稽察不可須臾稍怠

也况時際隆冬歲聿二云暮倘有饑寒無賴之輩
乘機走險關係匪輕合行嚴飭爲此牌行浙省
各府縣協將照牌事理凡文職總捕印官務須
遵照本部院飭行保甲之法實力奉行仍設法
稽查用心防範至於武職將領俱要嚴飭汛守
各弁員殫心稽察嚴加備禦務使萑苻無警宵
柝不驚或有失事立刻窮追務獲通詳具
題萬勿隱諱縱盜養癰貽患慎之慎之

禁止花爆

爲禁止花爆以杜災害事照得省會烟居稠密
火患易生凡屬防災杜患之事俱當預爲消弭
如節間施放烟花爆一項或因踈誤以致沿
燒民間房屋或有兵棍生事以此驚害士民且
暴殄物料有損無益其事雖微其害滋大向來
雖有地方官禁約不過故事而已不思焰硝乃
係禁物民間私相買賣該管官不行覺察尤屬
非法合行嚴禁爲此示仰地方官民諸色人等

知悉今當年節屆期凡民間一切爆竹花筒流星烟火等項概行禁絕不許點放店舖不許製賣如有故違印捕官卽行拿究倘不加禁止以致火災失事定行加倍重治并將該管官記過叅處決不輕貸

申飭地方官安插展界居民
爲遵

旨會閱沿海等事案准

部文沿海所立邊界應行停止民人應令照舊居住已經遷移海島應照前禁止不許人民居住令官兵防守及船隻不許入海行走照前嚴禁等因題奉

俞旨備咨前來已經本部院通行遵照并給示嚴飭在案爲照

文榜
卷三
三
朝廷軫念遷移 人民特准展界復業此出

皇仁浩蕩自當 遵奉亟行但已經日久未據各屬報
有安插過 居民開墾過田地實數誠恐有司奉
行怠緩或不肖官弁及衙役兵棍人等阻撓勒
指不亦辜負

皇恩重困百姓乎且前此遷定邊界既已荒棄有蠲
則今日展界安民勢必清查復額日下雖未奉
有

部文將來必加督責有地方之任者又曷可不
熟計而預籌乎合亟飭查爲此牌仰該縣掌印
官查照節行事理卽查該屬先年遷移人民若
干戶口廢置田地若干區畝今奉

旨展界之後已經復業人民若干開墾田地若干或
係各戶舊業或係別有墾種曾否安插完備居
民是否得所據實具文造冊詳報倘有安插未
完者一面設法着落亦一面將見經復業戶口
已墾田地各數目先行具詳以憑核奪至於先
年荒廢錢糧實計若干今應作何復額將起科

年分錢糧數目逐一酌議妥確一併詳報以便彙核咨

部施行如有怠忽膜視以致百姓流離失所田地荒棄無耕或被告發或有訪聞本部院定將守土各官以違

旨溺職叅拿重處斷不姑恕其嚴禁透越通海防守臺寨各事宜各文武官仍照本部院屢次申飭恪遵奉行毋得疎忽自干重咎未便

禁飭投誠官兵不法滋擾

爲嚴禁投誠官兵不法滋擾以安地方事照得浙省投誠官兵撥入各標營効用入伍及分發各府縣墾荒官則授之銜俸以待推補兵則給之口糧以資贍養卽墾荒者亦必預給一年糧餉以爲耕種之資是

朝廷之恩養甚優而體卹亦甚厚矣在投誠官兵自當仰副參養之恩効用入伍者務必謹慎自持禁飭家丁期與百姓無擾墾荒者理宜躬耕南

畝盡力開墾期與兵民相安尤必仰遵軍紀聽
該管將領約束調度乃聞近有玩頑不法恣肆
橫行或強買以擾舖行或出城擅伐民樹或開
賭爭鬪或鼠竊狗偷或乘機搶奪或不假私行
或宿娼酗酒或拐帶潛逃或容畱面生匪類或
強勒百姓幫工甚至不聽將領約束恣意非爲
種種不法每見之將領呈詳有司申報除見在
嚴查明確輕則飭戒示警重則
題叅拿問外合行嚴切誠諭爲此示仰投誠弁兵

人等知悉嗣後務須恪守法紀遵奉約束敢有
橫肆擾民恣行不法如前所指諸事定卽先行
嚴拿監禁立刻

題叅治罪本部院言出必行各官功名攸關各兵
性命所繫慎勿泛視凜之慎之

新歲飭勵官方

爲飭勵維新以正官方用安民庶事照得本部院忝任兩省文武攸司半載以來凡於地方利弊百姓休戚畱意諮諏隨時體察當亦見諒於官民將吏矣茲復有所誠諭者竊以浙閩財賦輿區承平日久民勞汔止官有餘閒謂宜政肅刑清時康物阜矣胡乃見聞所及殊多不然庶職之怠窳未振閭閻之疾苦猶前士習每見澆漓風俗日多刁詐徵糧少按期足額之官衙門

鮮奉公守法之役乃至萑苻時有竊發師武臣
之職守謂何蒼赤不免流移長民者又安所辭
責人窮財盡訟獄滋繁此其故豈非居官者奉
職無狀有以致之歟語云大臣法小臣廉又云
官清民自安今當歲序更始之際適值

皇恩肆赦之時可不勉勵維新益加警惕爲此示諭
督屬文武大小官員人等知悉并牌飭兩省文
武各衙門自今以往務各洗心滌慮聚精會神
勿假仕籍爲利祿之塲勿視官守爲傳舍之地

靖共爾位實心爲民如文官職掌催徵錢糧能
革除耗羨則里排自然樂輸聽斷詞訟毋違例
苛罰則刑獄自然平恕遵緝賊之

功令勿諱盜以誣良凜縱蠹之處分勿養奸而貓鼠
省耕闢土招集流離時使輕徭清增戶口夫馬
勿派累里甲日用勿白取市廛謝絕遊客抽豐
勤理日行案牘至於全書有一定之出納律例
載不易之典章與夫

欽件限期一切

文敷

卷三

三

部文見行事例不能一一枚數果能事事留心
時時省覽則政修事舉自著賢聲今年考績之
期本部院不靳優考以爲循良勸若武官職掌
重在固守疆圉簡練士馬操演技勇輯睦兵民
毋冒估毋扣剋俾營伍充實衆志成城毋生事
毋縱兵使紀律嚴明人心悅服在內地汛防者
克清伏莽之奸在邊海駐守者謹嚴透越之弊
如是而止矣本部院職任總制講武詰戎是乃
耑責旌功薦賢斷不敢徇私泯善也以上居官
不畏

切要本部院初蒞條約與日夕申飭何止三令
五申雖言之不過尋常而能行卽爲盡職倘或
不畏
國憲罔惜人言偷安誤公寡廉鮮耻不但紳衿百
姓告訐立至卽本部院耳目頗近訪聞最真定
付糾彈法無寬假彼時身命功名方且不保平
日之營私肥家竟何益哉願百執事滌舊從新
自求多福勿視爲迂濶耳譚也

議捐資置設監田

爲酌議捐置監田以恤罪犯事照得古俗沕穆
草鞠園扉近世澆漓囚盈犴狴此雖愚民自罹
刑憲實由官長教化未臻比來

朝廷德意屢施解網之恩凡爲民上者可不仰體
皇仁畱心矜恤至於見在讞鞫人犯罪名未定內有
含冤待辯者原係株累良民卽或罪當情真者
何忍斃填獄底本部院每念額設囚糧不敷意
欲糴米煮粥分給又慮將來不繼終非長策憶

前任撫楚時曾有捐俸置田收米賑粥之事頗於監犯有濟茲擬倣而行之但地異人殊事屬創始合行酌議長便期垂永久爲此牌行兩省臬司照牌事理卽查省城各監每年大約囚犯若干人除有力自饜外應賑者若干人每日煮粥一瓢約可兩餐每人需米若干置田幾何方可足一歲之用本地田價每畝需銀若干坐落何處可以永無旱澇收米堆積何所除雜泛差徭因公免派外每年正供錢糧作何輸納或卽

以額徵囚糧抵算至於董理收租煮粥分賑者必須誠實僧人總筦其事始無尅落中廢之弊亦要卽爲察訪遴定舉報每歲責成何官清盤總賬以杜虛冒其擔粥分給者亦須酌募苦行僧人兼任其事每僧日給工食若干其煮粥柴薪及房廠器具等物竝宜區處停當此係始創之事似屬煩瑣但利濟攸係該司總理刑名必不靳此一籌畫也務須事在必行人皆可用當心查酌詢訪明確逐項具詳以憑裁奪倡捐施

行若有從前官紳士民人等曾經舉行創有規
模者及諸未盡事宜均望廣諮妥議回報萬勿
遲滯仍移布政司知照會商至於給發草薦茶
薑等物或俟再行或一併酌量議定回覆此舉
果能盡善垂久俾罪犯無餒斃之虞牢獄鮮青
燐之泣是亦寓哀矜之一道也

禁約婚喪人夫不許分坊詐索

爲酌議禁革陋習以厚風俗以節財用事照得
民間婚喪二事寧儉毋奢稱家有無乃古先聖
賢防維習俗之至意也本部院昨午下車之初
曾有力崇節儉一示業已約畧言之當時隨據
士民紛紛條陳首先請禁杭城陋弊一事備言
婚姻喪葬之家有等奸徒把持需索爲害最烈
其辭激切詳盡但本部院彼時蒞任方新軍務
繁重且謂未必有關政體深害士民是以未及

准行今細加訪聞始知一種奸惡棍徒凡遇民間婚娶死喪之事藉稱向日買落地方派定日子畫定承值不容他移如婚娶則有吹手吹唱燈籠結綵山子轎夫之類科索身錢飯錢花紅蛋酒好看等項每用至數十人必詐銀至數十兩不等如喪葬則有把頭吹手擡材棺罩亭夫之類科索身錢燹米稅價齋包東道與靈解扛等項每用至數十人亦必詐銀至數十兩不等更且設立頭家口分當官等項名色不論人家

貧富一有用之自謂坐定地方向來成例使人不敢別尋他人卽他人亦不敢承攬當值稍不遂意非咆哮肆橫卽一哄而散彼素封之家只得任其詐索不饜不休最堪憐者單寒之士貧窶之夫旣不能飽其豁豁又不能別尋雇募惟有飲泣吞聲聽憑酷詐而已是士民雖欲稱家節制遂致惡習相沿極做難返耳思維爲治之道民間權量斗衡尚須官爲較定不憚煩瑣則

此等錮弊害人安可置而不問合行酌議禁革
爲此牌行浙江藩臬二司照牌事理卽便轉行
杭州府仁錢二縣從長斟酌嗣後凡有士民人
家婚喪等事合用迎送扛擡人夫吹唱等類不
論貧家富室無分城市關廂俱以道里遠近爲
率如一里以內以至一里議定每人雇銀飯費
幾分自二里三里以至十里十里以外每里每
人量加若干惟喪事有全山半山之分應定全
山若干半山若干俱要酌議畫一不妨給示傳

集士民公同酌量議妥之日具文通詳以憑覆
酌批示勒石永遵倘有多勒銀錢不許拘定地
方聽民間不論何人別行雇募若故意刁難指
索恣肆橫行者許士民據實呈鳴地方官立拿
爲首之人重責枷號示警不得輕縱本部院又
思此等刁惡之徒本應盡行革逐不許承值受
雇但念若輩亦庶民中之一類生業所關不忍
盡絕是以酌量適中之法各有便益期於力行
如或奸徒怙終不悛串通衙蠹夤賄阻撓妄覬

駝法定行嚴拿重治永遠革除斷不寬假此事
關地方利病萬勿以末務忽視也限文到半月
內詳報施行

飭禁結社

爲嚴禁糾結社黨以息民害事照得棍徒糾黨
結盟

新例立寘大法隣佑不舉連坐治罪

功令煌煌敢不凜惕詎聞省惡俗有等奸徒倡立社
黨名色糾結百十餘人歎血盟誓凡民人衙役
流棍訟師劣衿人等靡不入伍逐羶羣相附和
其中推最黠者一人爲首稱曰大哥諸事俱聽
指揮朔望聚集伊家斂積銀錢以爲公費凡屬

武斷鄉曲紮詐良善之事生端尋釁百足不僵
近而城市郊關遠而鄉居村鎮無不勒令投拜
門下諸如生辰年節比戶科斂餽送稱賀又復
探知鄉農家稍殷實者分帖請酒名曰義會或
十兩五兩不等攫取無忌一有不從非構隙黨
掠卽挿告陷害至於鄉村人命盜情悉由操縱
有錢者勒處調和真命沉寃莫訴無錢者鹿馬
混指無辜慘被株連以致小民畏懼此輩如虎
如狼甚有一二不軌通盟作線擒人勒贖種種

弊害難以枚舉本部院甫入閩疆卽以公務抵
泉未及確查茲聞此輩愍不畏死仍前肆橫除
密行細訪拿究外合行給示禁飭爲此示仰地
方士民諸色人等知悉自示之後速行解散各
安本業本部院姑免追究嘉興維新如敢怙終
不悛仍前糾結夥黨詐害鄉愚如前所指諸事
或被害首告或別有訪聞定行嚴拿照依光棍
新例正法隣佑不舉一體連坐决不輕貸各宜猛省
毋貽噬臍

申嚴海防

爲申飭海防以固疆圉事照得沿海地方安設官兵原期大小將弁協力同心加意巡防守禦以冀海氛屏息百姓又安庶幾無負師武之任本部院蒞閩以來嚴切諄諭舌敝穎禿豈意狃於積習怠忽如前屢據各屬塘報有逆艘連踪游移海面者有揚帆駕駛侵犯邊界者若使該汛將弁果能實心巡防出奇堵剿則海寇安敢窺伺自取殄亡惟因官兵偷安泄玩防禦無能

以致賊氛愈熾民不安寧長此不戢貽患何已
合再申飭爲此照會閩省各鎮牌行各協營照
依事理卽便遍查所屬地方某地端汛係何職
名某府某縣兼轄統轄係何職名嚴行申飭係
何汛防務要巡探倍加嚴慎如遇有警卽親率
弁兵奮力堵剿勿致登犯仍將殺獲緣由立行
飛報以憑覆核

題敘倘有失事卽將賊犯情形弁端汛兼轄統轄
各職名一同開報以憑糾叅萬勿遷延違悞隱
匿不報所屬將弁毋許殺良冒功生事擾民如
有故違

功令具在斷不寬假各宜慎之

訪拿衙蠹

爲飭拿衙蠹以肅法紀以除民害事照得除惡安良必先剔蠹蓋蠹之術不一而蠹之害無窮上而司道次而府廳下而州縣無不有蠹司錢穀者以巧取火耗重勒陋規爲進媚之計管刑名者以生發詞訟悉索賄賂爲聚斂之謀如錢糧或徵收或給放則曰某項原有舊例得之無碍而蠹之從中侵隱從中勒索肥已者不知凡幾矣如刑名或奉發或職行則曰某家殷實可

擾取之無妨而蠹之從中誑騙從中指詐烹分
者又不知凡幾矣亦有於本官未任之初先謀
長接交結近侍及至到任之後巧意逢迎或窺
本官債負催逼或乘本官交際繁難以爲廉吏
不可做好官多得錢再三聳動遂將素封之家
刻刻打算或指窩逃或誣人命或串腹夥告或
囑盜妄扳無中生有不風起波蕩產傾家比比
皆是官府利其箕斂任爲腹心若輩倚勢逞兇
如牽犢鼻以致惟言是聽是非失真不特地方
百姓遭其大害在本官亦受其玷汚挾制爲累
無已言之殊堪切齒甚有上司訪拿革役本官
從而呵護陽則公庭絕足陰仍暮夜投金卽或
另用一班大約非是同夥卽是後進援引結連
狼狽作惡官府尚不能出其圈套何況庸懦小
民有不聽其咀嚼者乎要之官府左右得意之
人皆百姓含怨而不敢言之人也大抵居官者
以衙門體面所關不肯發覺卽遇上司申飭亦
不樂聞直待敗露被拿受其貽害悔之無及本

部院立心行事從來不爲不教之誅是以不憚
絮煩先行通飭并令各衙門自揭以免本官徇
庇失察之咎擬合通飭爲此牌行兩省臬司各
府州照牌事理即便通行僚屬各官速將本衙
門奸惡蠹役密訪真實款蹟具揭呈報以憑拿
究其餘吏書差役人等嚴行飭諭各須洗滌肺
腸奉公守法敢有仍前作奸害民如前所指諸
弊者或告發或訪聞定行嚴拿處死斷不輕貸
凡各衙門庇護衙蠹堅不揭報直待本部院親
訪行拿者俱將本官以縱蠹殃民
題叅決不姑息該司府亦遵照作速自行揭報并
通加飭諭改過自新毋得故違自取罪戾

飭禁濫派夫役

爲嚴禁濫派包免夫役以均差徭以甦民困事
案准

兵部咨開一應旗下駐防往回官兵及移駐綠
旗投誠官兵并所帶家口除本身牲口外餘剩
婦女孩子始給與夫又開每夫一名每百里給
銀一錢五分用夫一千名以上者每多用一百
名卽多增價銀一分至三錢止如有多報冒銷
及少算苦民查出從重治罪等因通行遵照在

案第念閩省當兵燹之餘百姓瘡痍未起一切力役之徵均宜加意寬恤惟是近來尚有

欽差過往與夫移駐投誠調防官兵需用夫役例應縣雇者百姓亦無可奈何不得不勉力趨事印官有乳保之責自當念切痼瘵給銀給食撫恤不遑庶幾勞而不怨詎意不肖有司罔顧民艱凡遇撥取夫役無論城市鄉村恣意濫派有官自包免者有假紳劣衿土棍包免者有經承胥役私自庇免者徑將應用之夫概白派于未免

之處而且未免之處又分上中下戶經承差役通同約保賣富差貧用一派十應用之外概折分肥以致窮困殘黎破家喪命爲民上者忍爲此偏枯戕害之事良心漸滅盡矣言之實堪髮指除察訪拿究并行通飭外合再出示嚴禁爲此示仰闔屬官吏士民及地方保約諸色人等知悉嗣後各衙門一應票取私用夫役永行禁止如有緊要差使例應縣雇者遵照部行按道里之遠近計名數之多少照例給發

現價雇募不許胥役保甲仍前濫派作奸庇免
滋害凡用人夫必將奉行衙門票取若干係何
大差自某處撥起至某處止共若干戶撥夫若
干各每名給官銀若干出示遍諭小民并通詳
查核敢有故違或經訪聞或被告發定將該管
各官以違

旨殃民糾叅胥役約保拿解軍前計賍究追盡法處
處決不姑貸各宜慎之

添置義塚地永行收瘞棺骸

為棺骸拋露日久日多等事據前任都司李重
耀呈詳置買義塚地畝瘞埋暴露棺骸等緣由
到本部院據此為照浙省會城五方雜處往多
外籍僑寓之人生則寄食他鄉死則棄棺郭外
更有本地土著之民苦於貧窮孤獨身後無人
殮埋以致年深日久暴露荒郊白骨拋零青燐
夜泣見聞所及慘目傷心前經李都司捐資置
地日逐收葬誠為義舉今本官陞任若不接續

而行中廢殊爲不忍先已批令將置過地畝界址及土工姓名與工費定數造冊移交該司料理所有應行事宜合行申飭爲此牌行都司查照牌內事理卽將前司置買義塚各地照依四至備細查明遇有孤客窮民身死無棺有棺無地者卽爲酌給棺木着落原用各坊土工掩埋該司再出示曉諭凡西湖南北兩山及各城門之外有寄場權厝棺木并城墻河灘廢寺空地處所堆積屍棺責成地方保甲官墳人等逐一

清理如係有主有力者着官墳人通知本人令其安葬不許久停暴露如或子孫遠出未歸親族又不敢代葬而棺柩堅固材屋完全者聽其自便不得借查詢之名以滋騷擾其餘無主之棺盡行查出逐一掩埋如有有主無力未葬之棺聽本主情願報明埋瘞勿得相強其埋材工食照前司所定分別大小給發每塚記認小石碑照舊設置務須寫鑿明悉以便識認所有日需工費本部院先發銀二十兩該司收明應用

每年將埋過數日用過銀兩共計若干除有捐輸若干外尚應若干造冊通詳以憑本部院同撫院再捐補足至各處塚地如有埋用已滿者卽便另覓附近空閒地畝與業主酌定價值詳請發銀續置務期該司不憚煩勞永行無斃諒惻隱之心有所同也勉旃毋忽

飭禁踞埠抽稅

爲嚴禁渡船霸抽勒運之弊以通商旅事照得渡船原以便民僱載應從民便凡商旅往來裝運貨物隨便趁搭照數給錢此兩相情愿之事也今訪有等奸徒假藉營頭名色招集匪類霸佔有主民船并私造穀船掛刀執械擺列各處要津遇有客商士民貨物行李強勒搭渡迫取重載橫索船錢之外復抽私稅稍拂其意遂加鞭撻甚且乘機掠貨行人莫之敢櫻肆無忌憚

實爲可恨除見在察訪拿究外合行出示嚴禁
爲此示仰閩省各埠地方商賈諸色人等知悉
嗣後客商往來貨物悉聽民便裝載水脚亦照
民間定例不許奸棍鳩集夥黨分踞埠頭截路
兜攬額外多索銀錢及擅抽渡稅與夫霸佔民
船私造穀船迫取重載搶奪行李貨物等弊敢
有怙終不悛仍前橫行害民者許爾商賈百姓
地方人等赴本部院控稟以憑嚴拿究審無論
兵民盡法重處決不寬假

禁使假銀

爲嚴禁行使低假銀兩以除商民積害事照得
興利除害惟以便民爲主故本部院凡有剔釐
務必諮詢確實然後力行頃自入省以來察問
民間積弊鄉紳士庶首以銀匠作奸傾銷假銀
苦害商民爲言除將公呈批行藩司查議并現
在訪拿奸匠究處外第思民間貿易時值估價
出入皆用紋銀何其直捷卽有俗例應該使用
成色者亦以紋銀起水申折頗補便易何以必

要傾換低假之銀互相欺騙利則歸之奸匠害則遍於民間爾百姓試一思之想未有不致恨者此等日用尋常之事無論貧富大小人家均有關切交相勸勉儘可易俗移風若商民各肯齊心不傾不換不用低假色銀使奸匠無所施其技豈不稱快胡爲不自省覺致流弊靡止以貽無窮之害也合行曉諭飭禁爲此示仰官吏兵民商賈諸色人等知悉嗣後民間貿易除使制錢外俱要純用紋銀如有應折者皆以紋銀

申水行使不許兌換傾銷低假之銀欺騙使用各行各市互相傳勸若仍前以低銀買物者一概不與交易敢有兵棍生事強掣勒使等情卽赴按察司及該府廳縣喊稟立刻拘拿行使假銀之人嚴行追究傾銷銀匠一併重責枷示毋得輕貸此爲爾百姓生計起見各宜體諒萬勿故違至於存留銀匠止許傾色銀爲紋銀不許傾紋銀爲低假之銀倘有怙惡不悛違禁扞法者立行鎖拿處死决不食言慎之慎之

通飭各屬力行保甲

爲嚴飭力行保甲以弭奸盜以安地方事照得保甲之法爲弭盜安民至計古人行之屢見成效詎意沿至今日竟成套舉本部院蒞任以來浙省各屬盜賊頻聞刦失屢見揆厥所由皆係地方有司玩忽成風消弭無術遂至盜賊公行或盤踞深山邃谷或行刦城市鄉村迨至事發之日又復巧爲隱諱何異豢虎養癰殊不知除盜必先除窩而除窩必清保甲何地方官寧甘

受疎防之處分與諱盜降革之
新例不肯實心奉行真不可解矧
功令綦嚴併而行之大有裨益
至於民人打造出海船隻及
出海行走貿易等事一有違犯
保甲連坐官于重讐立有定例
是沿海各縣保甲尤不可不嚴
也合亟申飭爲此牌仰浙省各
道府縣照牌事理即便通行所
屬地方聯絡保甲務須正官親
自查點不論城市鄉村無分官
紳士庶俱要設立門牌上書男
婦丁口生理每十家立

一甲長每十甲立一保長如一人
外來必先問其何處人氏因何
勾當至此一人外出必先問其
前往何處作何事業務必盤查
明白并城郭內外庵堂廟院一
概不許容留匪人及行脚僧道
如十家之內若有交遊匪類結
黨成羣日則游手好閒夜則潛
身爲盜晚聚曉散出沒不常旗
營裝扮跡似逃人不務生業開
場賭博私自造船謀爲奸宄希
圖偷透出界者隣佑保甲察訪
得實卽行報官拿究倘容隱不
舉嗣後或有

擒獲賊夥奸宄奸民供吐係某保某甲之人定將合保合甲以通賊例按法治罪至於鄉鎮村堡亦須酌量立柵每夜輪流周行守禦一遇有警無論強竊俱要合力喊救庶近汛官兵便於登時追剿倘有勢豪紳衿土棍蠹役及奸徒人等影藉營頭不肯編入里甲者地方官卽指名申報以憑拿究但該府縣務須實力奉行不得虛文塞責尤不得濫委末員下鄉查點借名勒索陋規亦不許每月朔望取結滋擾敢有奉行毋違

不力借端擾民定將該地方官以藐上悞公縱盜殃民特疏糾叅不貸仍大書告示通行曉諭

毋違

申飭慎防海汛

爲嚴飭沿海文武加意備禦以固邊疆事照得
海逆尚爾逋誅賊艘遊移不定本部院入閩以
來屢經申飭戒嚴在地方文武各官均有防守
之責自無不加謹防備矣惟是沿海港口繁多
處處皆可登犯兼以新經展界臺寨建造未完
內地奸民不無透越之事近日節墟塘報如海
門壁頭賊船或十餘隻或二十餘隻時時游移
馬洋社爲長泰內地海寇直入擄人雖經官兵

斬獲而外逆內奸出沒叵測在在堪虞茲本部
院暫旋衢州離閩稍遠誠恐文武各官怠忽弛
防一有疎虞關係非細合行嚴飭爲此照會閩
省四鎮弁牌行各協營照依事理即便轉飭所
轄將弁嗣後沿海要汛務須遠勤瞭探加謹隄
防不許片板寸帆迫近港岸新展邊界更宜晝
夜巡守勿容內地奸民潛通出界如有逆艘突
入侵犯立時督兵堵剿奸宄私運透越務將人
貨現獲通詳報奪倘或不肖官弁受賄縱放以

及疎防失察隱諱不報者察出定行特疏糾叅
從重治罪功名性命攸關俱毋玩忽

禁營廝擾害村民

為嚴禁土棍串通營廝擾害村民事照得閩省
上游郡邑僻處山陬民貧地瘠且經兵燹之餘
瘡痍未起本部院軫念民瘼入閩以來車轍所
到凡有地方害民積弊俱經通行飭禁在案茲
以暫旋衢郡舟過延津乃有南平縣南里下洋
地方居民訴稱每遭隣村勢棍串通營廝專以
砍柴為由公然駕舟結夥下鄉無論墳塋蔭木
與夫園林菓樹恣行砍伐或借名賣鹽勒獻食

米偷盜則不遺雞豕強梁則污及婦女甚有借命居竒圖賴嚇詐等情言之甚是苦切何物棍徒敢於播惡如此聞之令人髮指除見在密訪拿究外合行出示嚴禁爲此示仰該地方兵民人等知悉嗣後再有土棍串通營廝冒稱藩下仍行結夥駕舟在於鄉村強砍陰木菓樹以及偷盜雞畜淫辱婦女與賣鹽勒米借命圖賴者許地方人等協力擒拿呈送府縣審實詳解本部院軍前以憑盡法究處決不輕貸各宜慎之

旋衢禁約事宜

爲禁約事照得本部院先因奉

旨巡行閱海今事竣回衢所有本衙門禁約事宜合行曉諭爲此示仰標下各員役遵照後開各條一體恪守奉行毋得故違取咎

計開

一本部院每日升堂自中軍官以下凡隨征効用巡捕等官承差聽事等役俱要凜守憲規依次站立非奉傳喚及稟白公務不

文榜
卷三
三
許越次上堂其三鼓以前各在官廳靜候
不許先入轅門大門招搖混擾若遇小座
之日各官役亦不許無故擅入轅門大門
中軍官嚴諭把門員役稽察禁阻倘有故
違者卽時稟明究治如把門員役踈縱容
隱查出加倍重處

一文武各衙門投遞公文批廻冊領等項掛
號人役務須逐一登記明白除京報塘報
咨文會稿等項緊急公文傳鼓投進外其

餘俱於投文時彙總呈送不許舛錯遺漏
如有紅批紅封投遞稟啓者一概阻回不
許投進倘錯誤混投滋弊察出定行重究
一文武屬員叅謁者掛號等役不許討賞需
索各衙門差委官役投遞文批者不許索
取陋規其有解審人犯解比經承等項各
員役不許需索班錢杖錢仰中軍官嚴加
誠諭不時稽察如有違犯據實稟究仍許
被害人當堂指名認稟定行責革發問追

贓斷不姑宥

一 本部院法紀重地軍務機密各衙門人役
 提塘等類不許每日窺探事情抄傳小報
 以致洩漏軍情訛傳滋弊其通諭告示懸
 牌例應抄傳者不在禁例俱毋故違取究
 一 仕客鄉紳封口書函掛號把門員役概行
 阻回不許代投如有地方公務露封書帖
 預先稟明方許投進

一 武職各衙門解驗候補千把等官俱候本
 部院示期考閱秉公定奪如有各官役誑
 騙財物需索陋規者除本部院不時密訪
 外仍許該弁指實稟首以憑拿究若容隱
 不舉察出一體叅革治罪不恕

一 本部院簡訟恤民每月止初二日放告一
 次除另示曉諭外如係機密重大事情抱
 牌赴告者各員役不許借端需索敢有包
 棍串通奸役誑詐財物通同作弊者訪出
 定按光棍新例究罪追贓不貸

一本部院需用廩蔬供給等物俱發現銀平
買竝不虧累舖行除另示禁約買辦員役
外每日開門呈送之時巡捕官逐一搜檢
明白方許送進如有夾帶滋弊者據實具
稟以憑究治

以上各款本部院執法惟嚴各員役務
須着實凜遵俱勿故違自干重罪

飭禁誑告

為飭諭事照得勸民息訟本部院屢經申飭告
誠爾士庶久已周知惟是南方風俗澆漓積習
一時難挽誑詞刁險之弊曾不少減蓋因省會
郡邑處處都有訟師光棍專一靠此營生乘人
微有小忿從中百般以聳彼告府縣此告司道
不至督撫不止惟圖騙准不顧招誣迨審虛坐
罪之日此輩棍徒錢財到手安然事外而受累
之兩造空破身家仍未出氣噬臍懊悔嗟無及

矣本部院稔知此情所以准狀極其慎重懲虛
反坐必不從寬不過欲爾民省訟安生非惡之
深實憐之至也茲本部院駐節三衢每月止於
初二日放告一次凡有真正人命強盜貪官劣
弁蠹役惡兵及重大事情遵照先發狀式實書
控告以憑准行申理其餘一切戶婚田土鬪毆
口角細故及事在

赦前者不許溷瀆至於地方利弊凡可與除調劑之
事爾士民備開緣由據實條陳聽候酌核本部

院目擊兩省各屬地方凋殘時刻思維補救若
有利可與有害當革自應卽爲着實舉行斷不
托諸空語爾士民但不可假公濟私致滋煩擾
再則訟師棍徒皆被聰明自悞之人本部院不
忍不教而殺爾等若肯改惡遷善卽是吾民似
可宥其已往倘或怙終不悛本部院自發示一
月之後卽訪拿訟棍土豪盡法究擬處死必不
畱此蠹賊以害我良善百姓也合併飭諭爲此
示仰官吏士民諸色人等知悉各照前項申飭

事情一體凜遵均毋故違自干重戾

禁衢州船埠扣索

爲飭禁船埠多索重扣之弊以便商民事照得
衢州船埠因當年兵馬往來差使絡繹有司責
以封刷船隻彼遂借承值官差爲詞凡遇商民
雇船百般要挾務勒重貲及給發船戶止於七
折八折又復攙換低銀以致有名無實雇船之
人與駕船之人兩無照應惟有飲恨吞聲此向
來之積弊也今四方寧謐凡有差使俱係動支
驛站錢糧雇覓在埠頭頗屬安閒而積習仍舊

不改厲商莫此爲甚前據邵乾可等控告奸埠
葉念三多抽牙用本部院批行布政司查審隨
據詳稱舊例客貨投埠雇船每兩止牙用五分
每貨一擔船銀一錢六分迨念三充埠貪利作
備加至兩倍等語當經批行不許葉念三兄弟
父子再充埠頭行府另募誠實公平之人承值
船埠照依民間舊例每貨一擔出船銀一錢五
分每兩止許扣牙用二分勒石垂久若遇船多
路順商民自覓熟人舟子情愿減價各聽自便

不得藉埠頭名色阻攔生端如違究處批行去
後茲本部院駐節衢郡親加察訪聞船埠每船
價一兩仍扣一錢每貨一擔船價一錢二分者
則扣四分船價一錢者則扣三分又兼攙換低
銀虧苦船戶其裝貨船價今若每擔減於原定
之數此有益商民自應有減無增概不具論惟
是埠頭違禁多扣情殊可惡且聞蘭谿埠頭勒
索扣剋甚於衢埠更堪痛恨除見在通訪確實
拿究外合行出示禁飭爲此示仰商民船戶諸

色人等知悉嗣後凡有到埠雇船者務要商民
與船戶當面公平酌價交付銀錢每貨一擔或
幾分以至一錢之外總要兩相情愿隨便說定
但不許逾於一錢五分之額止許減少不許增
添在埠頭按銀計算每兩止准扣牙用二分代
爲立契其商民船價務須面交船戶不許埠頭
過手缺少等頭調換低色亦不得故意多判價
銀致滋偏累敢有積埠奸牙仍前多索重扣者
或訪聞或告發立拿追究處死決不輕饒如商

民到埠遇有順船熟人自爲雇覓船戶情愿裝
載各聽自便毋許埠頭攔阻如違一併重治

賑濟貧生窮民

爲曉諭事照得本部院駐節衢州訪問民間疾苦凡可調劑愛養者現在次第舉行今見郡城內外多有貧窘士庶心甚矜憐擬捐俸資少爲賑濟雖涓滴之惠不足以甦涸鮒聊以盡爲民上者之心耳合行曉諭爲此示仰官吏士民人等知悉凡有衢州西安兩學極貧生員俱赴本學報名該學查其真實窮寒者彙冊送投該府不得借名假冒及有安貧不願者亦勿相強其

城內關廂極貧百姓俱赴該縣報名該縣查係
本籍窮窘者彙冊送投該府不許詭名重開并
飭諭里甲毋得措勒滋弊至養濟院孤貧人口
另開一冊以憑一併示期在於公所賑給本部
院此舉原爲軫恤窮苦士民起見務期各沾實
惠庶慰我心若稍可存濟之人一概賣擾以及
虛冒混亂反將真正極貧者遺落不報有辜好
意察出定有懲罰决不輕恕各宜體諒慎之毋
忽

申飭分汛夜巡

爲備查省城分汛疆界防禦事據該府詳稱禁
止夜行緣由到本部院據此除批行外爲照省
會地方奸宄易匿消弭盜賊之法首在禁止夜
行從前亦有把柵巡邏莫非虛應故事蓋以騎
馬乘轎提燈列炬而行者率皆以爲官府概不
攔阻所以狡盜每每假扮此種形象得以任意
往來今分派夜巡必須禁絕此等行走始于弭
盜有裨除本部院嚴檄標下官弁兵丁及投誠

各官不許夜行外合亟飭行爲此牌仰該府官吏照牌事理卽便移行所派分巡各官務要不拘寒暑風雨認真執法巡察遇有前項驕馬聚衆深夜行走之人若係奸宄棍徒立時拿究如屬勢要豪強營頭官弁當時說明犯夜情由次早卽申報

撫院及本部院以憑處治至于士民深夜聚飲以及戲子夜行該府均宜飭禁惟百姓延醫喚穩婚喪等事或令執本戶一家牌或令執本甲

十家牌諭令各柵察實放行毋容稍阻滋擾該府身處會城全任地方之責自當不論分汛處處俱該巡察不時勤行久而靡懈俾民不闔戶犬不吠夜本部院於此覘該府政績也餘俱如詳併飭仍候

撫二院批行萬勿怠玩囑切囑切

禁總甲撥夫擾民

爲嚴禁總甲撥夫擾民之弊以甦困累事照得
白役民夫以有明禁先經本部院給示申飭在
案頃據士民條陳各坊總甲不奉上行亦無牌
票每日擅發白頭籤票一紙派撥排門人夫或
稱打掃衙門或稱城垣拔草或稱管頭園圃做
工等事不一而足挨家撥役殆無虛日彼坐賈
經營之輩負販食力之人不能分身勢必措處
銀錢託渠料理而其實皆總甲假冒肥囊究竟

應役之夫百無一二也又聞此輩每遇地方火
盜人命入官產業等務人家婚嫁迎送事情以
及逢時遇節擇食素封恣害良懦種種作惡不
可枚舉殊屬非法合行嚴禁爲此示仰四民人
等知悉排門夫役一項旣經禁革各有司自無
派擾之事矣嗣後如有奸惡總甲擅發白籤派
取民夫者許被害立將所發知會籤稟據實指
名告究或有口傳做夫者一概不必答應又或
有臨時差人捉拿者不論衙役兵丁地方總甲

等類許被害協同隣佑登時拿住徑赴本部院
衙門或按察司該府衙門喊稟立時審問是何
官役違禁派撥或係總甲作奸影射問得實情
重則叅拿輕則枷責治罪斷不輕貸至于凡有
總甲在於該坊作惡詐人等弊俱許被害指實
呈告定卽按事拿究重處不饒

禁緝詐冒棍徒

爲禁緝詐冒以肅法紀事照得浙省五方雜處
奸宄易叢風俗澆漓狡詐百出本部院於上年
初蒞之時曾經關防詐僞刊示禁緝在案期月
以來凡於剖斷公務一切文書詞狀等類俱係
秉公裁決毫無假借頃者自閩旋浙軫念民生
疾苦吏治隳窳益加矢慎矢公期於上不負

朝廷簡任之恩下不負士民拭目之意而中於幼學
壯行之志亦庶幾無歉矣誠恐地方無藉奸徒

或假冒知交或借名關說或藉口夤緣左右或
托稱求講面情縱恣招搖誑騙財物而無知事
犯之輩被其炫惑誤墮術中此必有之事也除
密訪拿究外合再嚴行禁約爲此示仰巡捕員
役及地方諸色人等知悉本部院硃執有素任
法無私如有前項棍徒詐冒各色恐嚇誑賺等
弊立即指實拿解本部院以憑審明贓據輕則
懲治枷號重則

題叅照依光棍

新例將爲首犯人處絞爲從者分別究遣知情容隱
及與受之人一體連坐首告得實者立行獎賞
决不食言其各凜惕慎勿自蹈法網

練習救火兵丁

爲練習救火兵丁以安地方事照得省會人烟稠密每多失火之虞向緣救護無方常致難於撲滅今本部院議于城守營練習兵丁四十名以供救火之用責令都司僉書蕭鼎親管卽於該營兵內挑選強壯便捷之人合成前數每名各置號衣一件背縫白布一塊上書杭協營救火兵丁某人字須粗大明顯該協蓋印一顆頭戴藍布盔襯一頂如此分別以杜奸宄假冒滋

害之弊再置辦火鈎火索鑊鈎旒搭短梯鋸子
榔頭之類一聞何處失火卽頭戴號帽身穿號
衣手持火具該都司率領前往看風勢所向相
機拆救務期立時息滅不許虛應故事不許生
事害人不許乘機偷搶物件不許任意打傷居
民有一於此定行重處如各兵盡力拆救隨到
隨滅沿燒不至數家者各兵俱有獎賞若內中
有技能出衆善於救火屢見勤勞者許該都司
呈報拔以百總示勸倘各不用心或臨時不到

使居民燒至五十家以上者定行查究懲治斷
不輕饒其置辦火具號衣等項移會布政司動
支本部院項下官銀二十兩給發該營以免借
名扣餉所置救火器具必須堅固通用勿似民
間擺列虛套之物無裨實濟該都司究心備辦
不得苟簡塞責至各兵無事之時照常差操不
可廢墮營務總之救火有功本部院另有格外
之賞并于此覘都司僉書蕭鼎之才能也合行
選練爲此牌仰杭協副將照牌事理卽便督同

該營都司蕭鼎於該協官兵內挑選四十名遵照前項事宜勤加練習以備救火之用萬勿視爲常套致干讐戾未便仍先將遵依緣由花名清冊造報毋違等因除檄行杭協副將遵照外合行出示曉諭爲此示仰文武各官里甲兵民人等知悉嗣後省會城內并關廂等處倘有失火該地方里甲先飛馳蕭都司公署報聞以便率兵救禦如地方印捕各官先知亦卽差人飛報各勿坐視除此項救火兵丁各穿號衣記認

在於火場撲救外其餘旗營兵丁一概不許到於失火之處如違拿究更聞投誠兵丁小廝多有乘機擾害之事以後敢再混入火場定行鎖拿以搶奪論罪決不饒恕至於民間搬火救火之人悉聽隨便往來不得借端攔阻各宜凜遵但逢地方失火之時本標中軍官與左營叅將巡察本標兵丁與投誠各官兵廝杭協副將巡察城守水師二營兵丁杭捕官巡察搶火棍徒仍候移會

將軍

各副都統誠諭各旗兵丁庶約束各有定規而
救禦可無疎悞此本部院先事綢繆有備無患
之意也均毋故違

飭禁傾銷低銀

為嚴禁傾銷使用低假銀兩以除商民積害事
照得本部院凡有興利除害之事務必諮詢確
實然後力行原非姑息蓋不忍不教而誅也頃
自入省以來察問民間積弊有土庶以銀匠作
奸傾銷假銀苦累商民條陳公控閱其情詞實
為地方一害其間最彰著者閩匠居多浙匠因
而習學亦復不少呈內開有姓名本部院復加
查訪知之甚真本欲即行地方官立時拿究第

聞向來陋習每逢上司訪拿奸匠各衙門人役皆以此爲利藪營求需索皂白混淆過後仍復傾銷徒滋一番騷擾本部院因思此輩銀匠若肯改惡遷善卽是吾民自當先行禁飭倘或怙終不悛竟置死地當亦無怨合行曉諭爲此示仰士民商賈諸色人等知悉嗣後民間貿易除行使制錢外俱要純用紋銀如有俗例應折者皆以紋銀申水行使不許兌換傾銷低假之銀欺騙使用至於傾銷銀匠止許傾色銀爲紋銀

不許傾紋銀爲低假之銀九成以下一概不許兌換倘有大膽奸匠仍前傾銷低假色銀兌換者本部院現在察訪拿究并許兩隣舉首以憑立鎖本人處死舖內同夥小匠重責枷示決不食言若隣佑容隱俟發覺之時一體連坐此係本部院真知最恨之事法在必行爾等匠舖毋得視爲故套自取喪身之禍慎之慎之

